

1791 r.

Schlemmer de Ehreung Nepom. medicus Reg. Pol.

Nota S. R. M. Stanislao Augusto

1768

V O T A

SACRÆ REGIÆ MAJESTATI
STANISLAO AUGUSTO

DIE ANNIVERSARIÂ ELECTIONIS,

à *Nepomuceno* SCHLEMER *de Ehren-Ring Medicinæ Do-*
ctore, et Suae Regiæ Majestatis
CONSILIARIO,

quàm devotissimè

O B L A T A.

V A R S A V I Æ

Die 7. Septembris Anno 1791.

A T O V

STANISLAO AUGUSTO



XVIII. 2. 257

V O T A

REGI OPTIMO.

REX Auguste, PATER Patriæ, mitissime PRINCEPS!
Suscipe, quæ pronus fert Tibi vota cliens!
Octavus post bis denos benè nascitur Annus,
Quô Regale Tuum fert Diadema Caput.
Hunc Tibi felicem signatumque omine faustô,
Ac centum similes Natio tota vovet.
Parum est: applaudens hoc tota Europa precatur,
Quæ Regum exemplar Te venerando vocat.
His junctim mea vota sonant fidissima Regi,
Et quæ sincerô pectore fusa fluunt.
Quæ Tibi Sceptra dedit Mens provida Numinis Almi,
Hæc quoque perpetuâ Te tueatur ope.
Hæc Tibi per longos pia gaudia conferat Annos,
Gaudia, quæ semper sumere dignus eras;
Ut persentiscas lætus Te semper amari,
Atque Tuum NOMEN Cordibus esse sacrum.

)2(

Nam Tua Virtutum, quis dignè encomia cantet?

Aut laudare satis, quis Tua facta queat?

Hactenus optatæ fruimur quòd munere pacis,

Hoc Tua, REX, Virtus ingeniumquè dedit.

Quòd florent pacis Studiis et Artibus Urbes,

Hoc fecit Regis sollicitudo boni.

Quòd nova sit Regni facies miranda per orbem, (a)

Contigit auspiciis, REX STANISLAE, Tuis.

Interdum inveniunt Reges jam condita Regna;

Te constat Regnum constituisse Tibi:

Nam quæ concussò jam pridem jure jacebant,

Hæc erexisti condita Jure novò.

Hinc Pater es Regni, Fundator Romulus alter,

Aut potius clemens absque cruore Titus. (b)

Ast ecurr aliis Te comparo? Vita aliorum

Est potius factis assimilanda Tuis.

(a) Nostram enim Novam Constitutionem omnibus aliis Constitutionibus Europa anteponit, ut omnes nostrates fatentur, qui ex peregrinationibus redeunt.

(b) Hæc non sunt figuræ Poëticæ, sed factis sole clarior veritas. Utinam Organum Sensorii petrificaretur iis, qui falsis adulationibus, veluti insidiosæ Sirenæ, pessumdant Rectores Mundi!



Hæc etenim monstrant, quòd mansuetudinis arte
Servetur pulsô firma furore quies.
Constans pacis amor, sapiens moderatio Regis
Errantes animos pacificare docet.
Humani fautor generis, spes certa suorum,
Auxilium gentis deliciæque suæ;
Accessu facilis, mixta gravitate verendus,
Supplicibus portus confugiumque Sacrum.
Quos quandoque premit paupertas indiga rerum,
Hos recreas largâ munificâque manu.
Nemo Tua à facie nisi munere lætus abivit;
Quisque suis precibus vidit adesse locum.
Hæc prudens bonitas Musas attraxit et artes,
Larga Viris doctis præmia distribuens.
Hæc quoque justitiæ fecit splendescere Lumen,
Juraque constituit Civibus æqua suis.
Ut patrios etiam defendat ab hoste penates,
Lechiacis Castris arma Virosque dedit.
Sic Europæo Regnum hoc erexit in orbe,
Ut propè jam primò gaudeat esse locô.
Tertia nempè dies Maji celeberrima in ævum,
Complevit populis júbila vera suis.

Nam Tua Virtutum, quis dignè encomia cantet?

Aut laudare satis, quis Tua facta queat?

Hactenus optatæ fruimur quòd munere pacis,

Hoc Tua, REX, Virtus ingeniumquè dedit.

Quòd florent pacis Studiis et Artibus Urbes,

Hoc fecit Regis sollicitudo boni.

Quòd nova sit Regni facies miranda per orbem, (a)

Contigit auspiciis, REX STANISLAE, Tuis.

Interdum inveniunt Reges jam condita Regna;

Te constat Regnum constituisse Tibi:

Nam quæ concussò jam pridem jure jacebant,

Hæc erexisti condita Jure novò.

Hinc Pater es Regni, Fundator Romulus alter,

Aut potius clemens absque cruore Titus. (b)

Ast ecurr aliis Te comparo? Vita aliorum

Est potius factis assimilanda Tuis.

(a) Nostram enim Novam Constitutionem omnibus aliis Constitutionibus Europa anteponit, ut omnes nostrates fatentur, qui ex peregrinationibus redeunt.

(b) Hæc non sunt figuræ Pœticæ, sed factis sole clarior veritas. Utinam Organum Sensorii petrificaretur iis, qui falsis adulationibus, veluti insidiosæ Sirenes, pessumdant Rectores Mundi!



Hæc etenim monstrant, quòd mansuetudinis arte
 Servetur pulsò firma furore quies.
Constans pacis amor, sapiens moderatio Regis
 Errantes animos pacificare docet.
Humani fautor generis, spes certa suorum,
 Auxilium gentis deliciæque suæ;
Accessu facilis, mixta gravitate verendus,
 Supplicibus portus confugiumque Sacrum.
Quos quandoque premit paupertas indiga rerum,
 Hos recreas largâ munificâque manu.
Nemo Tua à facie nisi munere lætus abivit;
 Quisque suis precibus vidit adesse locum.
Hæc prudens bonitas Musas attraxit et artes,
 Larga Viris doctis præmia distribuens.
Hæc quoque justitiæ fecit splendescere Lumen,
 Juraque constituit Civibus æqua suis.
Ut patrios etiam defendat ab hoste penates,
 Lechiacis Castris arma Virosque dedit.
Sic Europæo Regnum hoc erexit in orbe,
 Ut propè jam primò gaudeat esse locò.
Tertia nempè dies Maji celeberrima in ævum,
 Complevit populis jubila vera suis.



Omnia perfecit Magni prudentia REGIS,
Quæcunque optabat Natio tota sibi.
Hi sunt eximiâ parti ratione triumphî;
Hæc non armatâ fixa trophæa manu. (c)
Hæc ut sincerò plausu sinè fine perennent,
Publica vox populi Regia facta sacrat.
Quin etiam externas quòd fundit fama per oras,
Aurea perpetuam dant monumenta fidem. (d)
Lechorum decus hic, flos Regum præteritorum,
Forma futurorum, robur et Imperii.
Formavit mores, Leges edictaque sanxit,
Artibus ingenuis, ingeniisque favet.

(c) Non uti alij cum pernicie generis humani famam quærentes.

(d) Exultans legi plenus amore piò Inscriptionem in Aureo Numismate hujus tenoris:

COMITIALE EDICTO LIBERTAS PUBLICA ADSERTA;
VIS LEGIBUS, ROBUR IMPERIO REDDITUM;
INSTITUTIS SOLI HÆREDIBUS;
ELECTIONUM PROCELLÆ
DEPULSÆ.



Pro tantis igitur Meritis TIBI Natio grata
Suaviter acclamat voce animôque simul:
Vive PATER Patriæ, et quos tantâ sorte beâsti,
In dulci hos longô tempore pace rege:
Plures Nestorêis Annos Tu Vive valeque:
Impleat Omnipotens hæc pia Vota DEUS.

F

XVIII-2-257